



Léif Guiden,
Léif Scouten,

An de leschten Deeg hu Dir dem ganze Land bewisen, wat et heescht e Scout ze sin. An enger Situatioun, wéi mir se hei am Land nach nët kannst hun, hu Dir lech ouni laang ze zécken an den Déngscht vun de vulnerabelsten aus eiser Gesellschaft gestallt, an zanterhier hëlleft Dir dagdeeglech duerch kleng awer bedeitend Gesten den Alldag vun anere Leit e Stéck besser ze maachen.

Ären Engagement, grad esou wéi deen vun esou villen vun eisen Matbierger gëtt besonnesch deenen Hoffnung, déi am uergsten vum Coronavirus a senge Suite betraff sin an dofir op Hëllef ugewise sin.

“All Dag eng gutt Dot” ass nët nëmmen een alen Scoutssproch. Dir beweist eis grad, dass een, andeems een dëse Sproch lieft, Freed an Zouversiicht an d’Welt brénge kann, ganz egal wéi d’Ëmstänn sin.

Seng Hëllef unzebidden an sech als Zil ze setzen, all Dag eppes Guddes fir d’Gesellschaft ze machen ass garantéiert de beschte Wee dës kritesch Zäit op eng positiv Manéier ze notzen. Ma et ass souguer vill méi, well Dir gitt mam gudden Beispill fir an Dir inspiréiert mat ärem Behuelen anerer. Ëmsou méi wichteg ass et, dass Dir lech ärer grousser Responsabilitéit an dësen Zäiten bewosst sidd an am vollste Respekt vun den aktuelle Virschrëften handelt. Well och hei brauche mir gutt Virbillen, déi eis all zum Nomaachen encouragéieren.

Als ären Chef Scout wëll ech all eenzelnem vun lech mäin déifste Respekt ausdrécken an lech Merci soën fir ären exemplareschen Asaz.

Dir sidd eng Inspiratioun fir eis all, a mir sin houfreg op lech!

An deem Esprit vu Solidaritéit a Courage wäerte mir duerch dës Kris kommen.
Dofir maacht weider esou!

Äre Chef Scout